

կովոյ կայ և ի բերանս թշնամեաց ի պատերազմի: Ըստ այսմ բազում երթեկեկութիւն լինէր առ թագաւորն և առ Հասանն զբազում աւուրս, մինչև բարկանալ թագաւորին, զառաքեալն ի Հասանէն սպան, եւ որ ի Հասանն էր գնացեալ ի թագաւորէն, նա եւ զայն սպան: Եւ յերկարէր բանն եւ սպառնայր թագաւորն, եւ նայ նստեալ կայր անհոգ եւ չը շարժէր ի տեղուջէ իւրմէ: Եւ լուրն արձակեցաւ յամենայն տէրութիւնս նոցա եւ համբաւն մեծանայր եւ ամենայն աւանք եւ գիւղք սարսեալ դողալին յոյժ՝ թէ այսօր զայ եւ վաղիւն, եւ գնէին պահնորդս յամենայն տեղիս, այլ եւ ի Պուրսա քաղաք եւ յիզնիմիտ եւ ի սահմանսն զպահապանսն բազմացուցանէին յաստուստ:

Եւ եղև պատերազմ վէզիրին այսպէս. ա՛ռ ի վերայ իւր զպարոն Պուղտանայ զօրօքն իւրովք, առ եւ ի վերայ զպարոնն Ուլախու զօրօքն իւրովք, այլ եւ հրաման արքունի առ գլխաւորն Թաթարին որ խան ասի, եկեալ նայ այր քաջ եւ զօրաւոր բազում զօրօք եւ յաղթող գտեալ՝ աւար էառ զերկիրն Մաճարի ի ներքուստ կուսէ, եւ Մաճարիքն ի նոյն գիմէին: Իսկ ընդ վէզիրին ելողքն զգուրս կոյս աւերեցին ընդ սակաւս աւարաւ և նուազս գերելով անդ, որում անուն տեղոյն ասացին Եանօվայ: Եւ զի Թաթարն ի ներքուստ ետ աւերութիւն եւ բազում կապուտս հանեալ հանդերձ գերովք, մնացեալքն հնազանդէին, ասէ, որոց եդ իշխանս և գլխաւորս ի նոցին ազգէ. բայց զգերիսն բերեալ ծախէին և ցրուէր յամենայն երկիր:

Եւ փոյթ ընդ փոյթ առաքեալ զաւետիսս առ թագաւորն, և անդէն խրախուժիւնս առնէ և առաքէ ի քաղաքս զայս լուր՝ բարեկենդան Սուրբ Խաչի (5 Սեպտ.), և մինչ ի Շաբաթ երեկոյին տօնանմայ արա-